

清宮史續編

章炳麟

清宮史稿編 卷四

國朝宮史續編卷之七

典禮

國家朝會、享祀、宴賚、行慶之儀。著於會典通禮。釐然秩然。粲乎大備。茲宮史之識典禮。則以大順大同之化。初不越納身軌物。觀其會通。家國天下共之。按前編所載。分禮儀三卷。宮規一卷。冠服儀衛各一卷。今時閱數紀。鴻儀茂典。僂舉莫殫。於是闡揚而光顯之。所以表宏模。彰盛軌也。夫以我朝重熙累洽。列聖相承。至高宗而化光德博。福應畢臻。標四得之論。篆十全之寶。三閣建而宴啟文淵。千叟集而觴陳寧壽。而尤有篤承昊貺。等諸百世所未聞者。則以紀元周甲之歲。詔宣歸政。符慰初心。於丙辰月正元日。授受禮成。我皇上欽承付畀。於時法宮訓政。大祀躬虔。令節元旬。稱觴介壽。雖伊耆表遜於前。猶未若此之紹聞衣德。著萬年之家法也。臣等恭與編次。分禮儀三卷之目爲五。曰盛典。曰冊寶。曰祭祀。曰勤政。曰宴賚。其宮規增爲四卷。冠服儀衛



則仍其舊爲二卷。由是昭代之宮儀煥然三千三百之盛焉。

典禮一

盛典一

授受儀一

臣等謹案授受之際。典盛禮崇。自軒頊吳魯皆世及。惟堯首舉禪儀。顧觀型讓德。在下升聞。雖二聖相嬪。姓非一脉。虞書惟受終一語。肆類以下。皆攝位後典禮。舜之禪禹。亦僅紀受命神宗而已。竹書載帝不降。帝局。則兄弟相及。禮亦未聞。厥後上儀寥闕。偏閏無稱。唐之三帝。高祖睿宗迫於勢。順宗沉於疾。傳授不正。遑問其儀。明皇身受傳位。手定開元禮。而茲典蔑聞。蓋無足述也。宋之三朝。高宗避位之餘。旁支繼序。孝宗外怵強敵。內圖偏安。光宗之事。出於慈幄樞庭。非其本志。宋史禮志載高宗傳禪儀數十百言。全無節次。至周必大之壬午龍飛錄。周密之紹熙行禮記。皆臣下私家撰述。事不可以薈一時。禮安得以垂百世。我朝熙洽綿長。慶流萬葉。高宗純皇帝以上聖之資。

撫郅隆之運。初載升香。志定卜協。默監聖嗣。告於天祖。蓋御極三十八年。而爲天下得人。躋聖壽八十六齡。而爲天子父。我皇上聖能揆一。孝著朝三。續緒紹庭。以承付託之重。當元正上日。授受一堂。太和前殿。黼展廉陛之間。太上端拱穆清。與天同契。皇帝篤恭謙吉。爲日重光。事爲萬世未有之隆。禮則三古未行之盛。謹纂輯內閣軍機處禮部所陳奏傳寶頒詔內殿外朝之鴻儀茂典。而推原於前後所奉聖諭。並聖製詩文。立言垂訓。及皇上躬膺大器。敬承繼述之作。排比事類。以爲宮史續編典禮門之發端。

乾隆六十年乙卯。高宗純皇帝紀元周甲。初願昭符。諏吉於孟冬頒朔以前。九月初三日。冊立皇太子。宣示中外。以來歲丙辰元日。行授寶禮。即以是年爲嗣皇帝嘉慶元年。詔曰。朕寅紹丕基。撫綏方夏。踐阼之初。即焚香默禱上天。若蒙昊眷。俾得在位六十年。即當傳位嗣子。不敢上同皇祖紀元六十一載之數。其時亦未計及壽登八旬有六也。自臨御以來。仰荷昊蒼垂佑。列聖貽庥。寰海昇

平重熙累洽。御宇之年。慶遇甲子。敬念維天維祖宗。所以付託在予者。至重且鉅。於繼體授受之際。曷敢不倍切兢兢。朕前此不即立儲之由。節經頒發諭旨。反覆申明。蓋以歷觀史冊。三代而下。由漢迄明。儲貳一建。其弊百端。前鑒具在。我朝太祖太宗世祖。俱未豫立儲位。惟聖祖仁皇帝。曾以嫡立理密親王爲皇太子。後竟爲宵小誘惑。兼患痼疾。不克祇承。其時大臣中。曾有以國本應行建立陳請者。仰蒙皇祖聖裁獨斷。訓諭特頒。不復冊立。迨傳位皇考。十三年勵精圖治。內外肅清。雍正元年。皇考即親書朕名。貯於乾清宮正大光明扁額之上。又另書密緘。常以自隨。朕繼紹洪業。六十年間。景運麗鴻。版圖式廓。十全紀績。五代同堂。積慶駢蕃。實爲史冊所罕覩。此皆仰賴皇祖皇考。貽謀燕翼。用能啟佑後人。綏茲多福。朕欽承家法。踐阼後。亦何嘗不欲立嫡。以皇次子爲孝賢皇后所生。曾書其名。遵皇考之例。貯於正大光明扁上。不意其早年無祿。不能承受。曾同大臣等啟緘閱看。贈爲端慧皇太子。此中外所共知者。嗣於癸巳年冬。

至南郊大祀。敬以所定嗣位皇子之名。禱於上帝。並默禱所定嗣位皇子。倘不克負荷。請降之罰。俾臣得另簡元良。以爲宗祏延遠無彊之福。又於盛京恭謁祖陵時。敬告太祖太宗在天之鑒。是朕雖不明立儲嗣。而於宗祏大計。實早爲籌定。特不效前代之務虛文而貽後患耳。夫建儲一事。三代以後。建立嫡嗣。舊制相沿。具載史冊。若以此等歷代踵行。名正言順之事爲非。則朕亦非讀書稽古之人矣。設名分未定。或致如前史夜半宮中出片紙之語。其弊更不可言。方今紀綱肅清。宮府一體。歷代權奸婦寺諸秕政。絕無其事。斷不致因儲位未早宣示。致滋他慮。我子孫果能效法祖宗。及朕之敬天勤民。勅幾親政。即不明詔立儲。實可萬年無弊。然此言即朕自問。亦不敢自以爲是。千萬世後。必有以爲非者。且令其平心觀我祖宗。及朕所行。與國家之得實益。政治之享太平與否可耳。朕誕膺大寶。今六十年矣。迴念踐阼時。默禱上帝之語。並追憶朕年五旬後。曾於聖母皇太后前。奏及歸政之事。彼時蒙聖母諄諭。以朕躬膺付託之重。

天下臣民所繫望。即至六十年。亦不當傳位自逸。次晨。朕卽以聖母所諭。默奏上帝。若能常奉慈寧。壽躋頤慶。朕亦何敢復執前願。乃自丁酉年以來。所願既虛。於是仍冀得符初志。茲天恩申錫。竟獲週甲紀元。壽躋八旬開五。精神康健。不至倦勤。天下臣民。以及蒙古王公。外藩屬國。實皆不願朕卽歸政。但天聽惟聰。朕志先定。難以勉順羣情。茲以十月朔日頒朔。用是諏吉。於九月初三吉日。御門理事。召皇子。皇孫。王公大臣等。將癸巳年所定密緘嗣位皇子之名。公同閱看。立皇十五子嘉親王□□爲皇太子。用昭付託。定制孟冬朔。頒發時憲書。其以明年丙辰。爲嗣皇帝嘉慶元年。俟朕長至齋戒後。皇太子卽移居毓慶宮。以定儲位。皇太子生母令懿皇貴妃。著贈爲孝儀皇后。升祔奉先殿。列於孝賢皇后之次。其應行典禮。該衙門查照定例具奏。皇太子名上一字改書□字。其餘兄弟。及近支宗室一輩。以及內外章疏。皆書本字之永。不宜更改。其皇子王公臣下之名。清書缺寫一點。以示音同字異。而便臨文。至朕仰承昊眷。康強逢

吉。一日不至倦勤。即一日不敢懈弛。歸政後凡遇軍國大事。及用人行政諸大端。豈能置之不問。仍當躬親指教。嗣皇帝朝夕敬聆訓諭。將來知所秉承。不致錯失。豈非國家之大慶。至郊壇宗社諸祀。朕年當望九。於登降拜跪儀節。恐精力稍有未充。不足以將誠敬。自應嗣皇帝親詣行禮。部院衙門。並各省具題章疏。及引見文武官員尋常事件。俱應嗣皇帝一同披閱。效朕所爲。以副天下臣民之望。所有冊立皇太子典禮。一切虛文。俱不舉行。其明年歸政一切典禮儀文。著軍機大臣會同各該衙門。敬謹條議以聞。將此通諭中外知之。

九月初四日。皇太子奏言。本月初三日。欽奉上諭。朕寅紹丕基。撫綏方夏。踐阼之初。卽焚香默禱上天。若蒙眷佑。得在位六十年。即當傳位嗣子。不敢上同皇祖紀元六十一載之數。茲天恩申錫。竟獲週甲紀元。壽躋八旬開五。精神康健。不至倦勤。天下臣民。以及蒙古王公。外藩屬國。實皆不願朕即歸政。但天聽維聰。朕志先定。難以勉順群情。茲以十月朔日頒朔。用是諏吉於九月三日。御門

理事。召皇子、皇孫、王公大臣等。將癸巳年所定密緘嗣位皇子之名。公同閱看。立皇十五子嘉親王。口口爲皇太子。用昭付託。定制孟冬朔。頒發時憲書。其以明年丙辰。爲嗣皇帝嘉慶元年。俟朕長至齋戒後。皇太子即移居毓慶宮。以定儲位等因。欽此。臣伏讀之下。悚惕恐惶。不知所措。洪惟我皇父陛下。大德受命。久道化成。膺昊蒼之篤佑。纂列祖之貽庥。臨御以來。六十年如一日。自敬天。勤民。用人。行政。諸大端。以及出入起居。發號施令之間。兢兢業業。罔有不欽。是以紀綱肅清。寰海悅預。文懿武鑠。時和歲豐。諸福畢臻。如響斯應。天人訢合。曠隆往牒。方今聖壽將躋九秩。履帝位者。甲子重週。猶復體健勵精。孜孜惟日。薄海臣民。共知共見。臣幸際萬古未有之鴻庥。親依一人在上之慈蔭。抃蹈之懷。何可名喻。茲者恭誦詔旨。荷沐恩慈。冊立臣爲皇太子。以臣之材質。撫衷循省。已弗克勝。復奉慈諭。將以來年畀政於臣。臣五內戰兢。跼蹐彌日。竊維神器之重。天下之大。皇父淵默取裁。所以篤念維天。維祖宗者。陳義高而垂訓切。臣何敢

以區區之私。效前代辭讓具文。上瀆君父之聽。顧維臣知識淺昧。雖自幼讀書。日侍慈顏。粗識典要。但年齒尙少。閱事日淺。於措施經緯。全體大用。夙夜省循。斯未能信。惴惴焉深以弗克負荷爲懼。况恭逢皇父八旬衍袞以來。仰見聖壽日高。康強純固。神運萬幾而有餘。慮周群下所不逮。念徵省歲。給復蠲租。惠澤及人。淪浹肌髓。非特寸心愛日之私。依戀椿暉之庇。卽內外大小臣工。下逮億兆黎庶。屬國藩臣。靡不含和吐氣。喁喁焉願長奉悠久無彊之盛治。伏願我皇父御極延禧。躬攬庶政。上答天眷。俯遂輿情。臣旣蒙恩冊立。謹當備位儲宮。朝夕侍膳問安之暇。得以稟受至教。勉自策勵。敬俟我皇父期頤策衍。上儀慶成。惟時載頒成命。臣敢不敬謹祇承。所有現在改元歸政事宜。伏祈勅停舉行。臣悽悽寸誠。措詞罔知體要。伏惟聖慈鑒察。俯賜俞允。實深屏營顙懇之至。○同日、內外王公大臣等奏。欽惟我皇上治懋登咸。化隆熙洽。以聖神文武之至。膺位祿名壽之全。景運龐鴻。福禔曼羨。八徵念範。十全紀功。五代同堂。九旬袞衍。

自繩契以來。鋪鴻庥。揚偉烈。未有若斯之懿鑠隆茂。純嘏緝熙者也。乃特頒詔旨。定儲位。將以來歲丙辰。紀元歸政。蓋自我皇上御宇之初。敬念神器至重。默籲昊慈。紀年週甲。不敢上同聖祖。所以稟貽謀。昭付畀。意深典鉅。詎_臣等管蠡之見。所能窺測萬一。竊稽內禪之文。前史所載。休烈無聞。不足仰方今日。惟勳華之盛軌。實授受之上儀。然帝堯異位。七十三載。帝舜三十徵庸。三十在位。又三十三載。始行禪授。計年俱將百有餘歲。我皇上握乾符。闡坤珍。履帝位者六旬。法天行如一日。視伊耆應更延光被。例有撝尙未逮倦勤。而且莊敬日強。幾康時勅。宵旰勤思政要。暑寒念切民依。丹筆批章。彤廷引對。萬幾躬攬。而晷刻弗踰。四遠周知。而精神罔間。惟天錫聖主康強逢吉之徵。即啟聖主億萬無疆之紀。皇上凝承寶命。動必稽天。今敬迓天庥。允宜久履天位。且億兆人之心。上帝之心也。皇上闔澤涵濡。湛恩汪濊。近自蔀屋編氓。遠而外藩屬國。凡夫含齒戴髮。跂行喙息之倫。莫不怙冒如日月。瞻依若父母。矧_臣等渥被恩慈。淪浹肌

隨犬馬戀主之私。動於不自知。而發於不容已。以_臣等區區懇欵之心。合之薄海內外喁喁萬衆之心。益知天心之保佑申命。未有艾也。伏願皇上寶籙崇躋。瑤圖益煥。本至誠悠久之德。兆貞元迭啟之祥。增上壽於期頤。輯蕃釐於章鄴。然後精一傳心。以聖授聖。紀重光之盛瑞。修太上之鴻儀。斯仁壽之符。倍光於前典。聲烈之茂。愈播於來茲。_臣等不揣冒昧。謹合詞恭摺籲懇。仰乞皇上俯順羣情。即賜俞旨。_臣等不勝依切待命之至。奏入。上宣諭曰。皇太子及王貝勒貝子。公暨內外文武大臣。蒙古王公等。各具摺籲請俯順群情。俟朕壽躋期頤。再舉行歸政典禮。朕逐加披閱。見其情詞懇欵。實皆出於至誠。敬念維天維祖宗。所以付託在予者。至重且鉅。臨御以來。仰荷眷佑。海宇大安。康強逢吉。勤求治理。惟日孜孜。朕亦何敢稍存自暇自逸之念。惟是朕紹承又統。踐阼之初。即焚香默禱上天。若蒙昊蒼垂佑。得在位六十年。即當傳位嗣子。不敢上同皇祖紀元六十。以次增載之數。且實末計及歸政之年。朕壽當八旬有六也。迨五旬後。

甫經念及歲月舒長。倍深兢業。初不敢以此自必。茲幸天恩申錫。竟獲週甲紀元。壽躋八旬開五。始願克償。此皆仰荷上天篤祐。列祖貽庥。躬舉授受上儀。實爲曠古所未有。用是特降詔諭。冊立皇太子。於丙辰年改元歸政。今皇太子及宗室、蒙古王公、內外大臣。以朕八旬衍褻以來。精神純固。仍請躬攬庶政。皇太子及臣工等。日侍禁廷。渥承恩眷。臚誠籲懇。愛戴依戀。朕未嘗不深鑒其誠悃。卽天下臣民。外藩屬國。飲和食德。久沐涵濡。實皆不願朕卽歸政。但朕齋心默禱之意。精誠孚格。久荷昊慈垂鑒。歷數十年如一日。今若因群情依戀。勉遂所請。則朕初心焚香告天之語。轉爲不誠。是實難以聽許。毋庸再行瀆請。况朕仰承天眷。純固有常。一日不致倦勤。卽一日不敢懈弛。歸政後。凡遇軍國大事。及用人行政諸大端。豈能置之不問。仍當勅幾體健。躬親指教。嗣皇帝朝夕敬聆訓諭。可以知所稟承。不致錯失。而大小臣工。恪恭盡職。亦可謹凜遵循。迨朕壽臻頤慶之後。優游無爲。豈不更爲亘古未有之盛事。將來嗣皇帝紹膺大統。若

能如朕之敬天愛民。勵精圖治。景祚綿長。上躋耆壽。亦如朕之舉行歸政。明彰典禮。大廷授受。尤爲我國家億萬年無彊之庥。此則朕所至願也。

初六日。奉諭旨。向例皇帝之名。理應避寫。明歲即行歸政。皇太子名下一字。乃舊有清語。又係常用之字。毋庸迴避。朕意皇太子名下一字。旁加一點。繕寫口字。嗣後單寫連寫之「」字。俱不必迴避。仍照舊書寫。

二十八日。內閣大學士等奉諭旨。朕歸政後。應用喜字第一號玉寶。鐫刻太上皇帝之寶冊。即將御製十全老人之寶說。鐫刻作爲太上皇帝寶冊。用彰熙朝盛瑞。將來嗣皇帝亦能如朕之懋承天眷。壽屆期頤。再舉上儀。一切典禮。皆可敬謹遵循。實我國家億萬年無彊之福。將此通諭中外知之。

國朝宮史續編卷之八

典禮二

盛典二

授受儀二

乾隆六十年十月十八日軍機大臣等議奏丙辰年舉行傳位大典所有各直省並各該衙門應行備辦事宜開列條款豫飭遵照一丙辰年歸政嗣皇帝登極頒發傳位詔書一道鈐用太上皇帝之寶次用皇帝之寶所有恩詔條款一體叙入一太上皇帝諭旨稱爲勅旨一太上皇帝仍稱朕字一丙辰年太上皇帝起居注嗣皇帝起居注交該衙門敬謹分纂一題奏行文凡遇天祖等字高四格擡寫太上皇帝高三格擡寫皇帝高二格擡寫一恭遇太上皇帝慶節稱萬萬壽嗣皇帝慶節稱萬壽一恭遇太上皇帝萬壽慶節及元旦冬至令節賀表嗣皇帝萬壽慶節及令節賀表俱由內閣撰擬表式一體頒發遵照一丙辰年恭進列祖列宗實錄交內閣循照向例按期於嗣皇帝前恭進一丙辰年